

詠中國公學校景，應己已級同學

之索。

儲一厂

樹影波光歸棹晚，樓高山遠夕陽遲。平生頗有滄洲興，到此爭無一句詩？

十八，四，十。

閒步蘇堤，懷白蘇二公兼憶亡友

世玲。

前人

白公去後蘇公起，異代遙憐曠代才。抵死塵埃無好句，相期吟嘯妙高臺。

十八，十一，十。

海濱看潮

前人

海天遼望立多時，一息懷人千萬思。人信不如潮信信，朝朝暮暮不愆期。

十八，九，十八。

一一

湖山風月今誰主，弔古懷人萬感生。魂魄有靈應識我，一生低首兩詩人。

十八，十一，十。

弔蘇曼殊

并序

前人

日暮步孤山之陰，見蘇曼殊，林寒碧及懺悔詞人之墓，旋至西泠橋上，顧影生悲，漫成一絕。

荒林落日藏山鬼，瞻弔臨風有淚痕。滴向西泠橋下水，千秋澄碧蕩詩魂。

十八，十一，九。

登西泠印社，望西湖水落見底，戲成數語。

前人

湖是離人眼，水是離人淚；淚骨嘆峻嶒，相看思不勝。

二

湖是離人眼，水是離人淚；淚眼幾時乾？應從劫後看。